

09.April. 2019

UPA2019/179

Qinnuteqartoqartillugu qinnuteqartup qinnuteqarneraniit ullut qulit qaangiunneranni qinnuteqartoq allamik nalunaarfigeqarsimangippat qinnutigineqartup Inatsisitigut akuerineqartutut isigineqartalernissaa anguniarlugu Kalaallit Nunaannut suliffissarsiortut killilersimaarneqarnissaat pillugu Inatsisartut inatsisaanni § 6 imm. 3 allanngorteqqullugu Naalackersuisut peqquneqarnissaannik Inatsisartut aalajangiiffigisassaattut siunnersuut (Inatsisartunut ilaasortat Randi Vestergaard Evaldsen aamma Justus Hansen, Demokraatit)

Kalaallit Nunaannut suliffissarsiortut killilersimaarneqarnissaat pillugu Inatsisartut inatsisaat nr. 27, 30.oktober 1992-imeersoq, tamatumalu kingorna arlaleriarluni allanngortinneqartoq kingullermillu allanngortinneqartoq Inatsisartut inatsisaat nr. 22, 13. November 2017-imeersukkut, maannalu Inatsisartunut ilaasortat Randi Vestergaard Evaldsen aamma Justus Hansen-ip, Demokraatineersut 2017-meersukkut allannguutaasimasooq, allanngorteqqeqqullugu allannguutissatut siunnersuutaat § 6 imm. 3, imatut siumumiit oqaaseqarfissavarput.

Siullermik siunnersuuteqartut Randi Vestergaard Evaldsen aamma Justus Hansen Siumut-miit quttsavigaagut.

Siunnersuuteqartut siunnersuutaat Nunatta avataaniik suliffissarsiortut ullut qulit iluanni akineqartalissasut maannakkut ullut 14-iusartut, aammalu ullut qulit iluanni akineqangikkuni akuerineqartutut isigineqartalernissaat siunnersuuteqartut allannguutigeqquat, maannamut kommune-it paasisutissat naammaginngikkunikkit ullunik 14-nik sivitsuvisinnaanerata siunnersuuteqartut aamma atorunnaarnissaa kissaatigaat.

Siumumiit oqaatigerusupparput ullut 14-nit iluanni qinnuteqartup qinnuteqaataanut akuersinermik imaluunniit itigartitsinermik akereertussaaitaanermut piffissaliussaq naamatutut isumaqarfigatssigu, taamaatumik kommune-it ullunik 14-nik ilasisinnaanerata peerneqarsinnaanera ammaffigalutigu erseqqissarumavarput.

Qulakkeerneqartariaqarporli ullut 14-nit iluani qinnuteqartumut akereertussaaitaaneq, ukua isumaqataaffiginnginnatsigit ullut qulit aammalu taakku qaangiunnerini akineqarsimangippata akuerineqartutut isigineqartarnissaat.

Tassami Nunatta avataaniit inuit isaasut eqqarsaatigalugit, aqunneqanngittsumik ingerlasoqalersinnaanera mianerineqartariaqarluinnarmat.

Uumalu Inatsisartut inatsisaata arlaleriarluni allannguutitaqartarsimasup allannguutai tamaasa ataatsimut katinneqarnissaat ilanngullugu kaammatuutigaarput.

Taamatut oqaaseqarluta sukumiisumik suliarineqarnissaa siunertaralugu ataatsimiitaliamut susasaqartumut ingerlatipparput, oqaaserisagut aamma innersuullugit.

Henrik Fleischer, Siumut